

鄱縣志

土地部上

重修鄒縣誌序



皇上御極五十五年海宇昇
平頑祥畢至凡扶桑咸
池之遠雕題黑齒之異
莫不梯山航海重譯獻
琛以修貢職于

鄒縣志序

天闕而采風之太史方且詢
其部洲咨其方物載入
版圖以成一統無外之
書以誌我

朝重熙累洽謨烈光天之盛
事甚鉅也而有一方民
社之寄者奈何視爲具
文而漫不加意卽加之
意而于地方毫末無補
于誌何取余奉

鄒縣志序

二

命東巡爲齊魯人士陳立紀

綱修明禮樂其於忠孝
廉節之大尤所表彰以
爲正人心厚風俗之本

兗郡係天文武庫奎婁
之分野所屬鄒邑乃大
聖大賢發祥之地扶輿
靈秀盡萃于斯邑乘之
榮甲乎天下官斯土者

自漢迄今代有循良其
事蹟炳蔚洵足以俎豆
千秋垂光不朽獨是傳
世久遠禮教信義之風
鮮能復古而且地多山

積民鮮蓋藏一遇災祲
方存卹補助之勿遑而
欲治登上理化底隆平
不其難哉婁令一均七
年于鄒一日以所修邑

志請序于余余讀未竟
卽喟然嘆興曰美哉志
乎粵稽舊志輯于萬曆
八年許公守恩修于我

朝康熙十一年朱君承命歷

今四十餘載矣起而復
修之要皆網羅舊文折
衷前史究事實之根源
詳土地之沿革核人物
之初終觀其發凡起例

列目挈綱簡而詳整而
潔將數百年之官政人
文瞭然如指諸掌豈若
他志之泛濫膚廓拘文
牽義者所可同日而語

哉鄒雖小邑幸而雨陽
時若歲歲大有然試觀
邑乘所載如漢鄒弘爲
鄒令時躬行德化道不
拾遺晉郄鑒作令于鄒

民感其仁相率歸徃先
賢之流風未艾也官斯
土者欲繼芳踪不羨牆
可溯乎鄒之人物其錯
見于前史者彰彰可考

近世名公鉅卿山林隱逸期與史書所載後先輝映鄒之人士不庶幾步武前人乎是志也足以興起人心扶持風俗

安在禮教信義之風不復行于今日哉是爲序
巡撫山東等處地方督
理管田兼理軍務都察
院右副都御史加五級

虞山蔣陳錫雨亭序



39

明萬曆三十九年知縣胡繼先重修誌書序

自古疆邑有志彙不惟勝地名賢重者彼其山川之所孕靈聲教之所被服尚論者願溯其源而觀風者欣式其境誌所崇藉非一日矣鄒固孟氏里也舊誌修于許君守恩增于王君一植亦既已分別疆宇而搜羅典故迄于今一十有七載矣其間丁地之盈縮民生之利病政治之因革古蹟之廢興往者已不可格于今今者又何以詔于後用是於牛馬奔馳之暇爲編摩改正之舉諮訪于鄉紳

鄒縣志

舊序

較讐于庠士總其卷凡四列其目一十有四事既竣還以授成于梓而余爲之序余謂夫誌者記也周禮以小史掌四方之誌而上之王府豈其削爲雕龍以誇張靡麗已乎亦豈其傳神集異以侈談藝而已乎毋亦考舊聞之實蹟附近事之便宜就地記地要不失其地之所有耳卽以鄒論疇爲鄒有疇非鄒有哉索圖籍于百世則徐充異域鄒邾異號薛魯秦寧之殊隸紀城陶城之訛傳是不一封而息嶧崗尼九龍四基之勝溪湖泗沂白馬諸泉之清不可誣也是先鄒之奧區也乎在誌丁十

載則韋氏相業匡氏經術鄭弘魯直之德化慶忌
唐彬之廉能是不一姓而邾文茅成利民存國之
語思孟大賢三遷斷機之跡不可湮也是先鄒之
師表也他如景行仰止之士比肩親民訓俗之吏
接踵度土均賦之役累變興學崇廟之務時勤則
又鄒之所爲增飾勝地而憲章名賢者世世傳之
如一日也又如謁祠有私淑尚友之想登臨有禹
桐斯篆之思題壁有敲金戛玉之詠鑄珉有彰往
著來之功則又鄒之所爲輝映地靈而光生賢里
者人人稱之罔有間也以地若此以賢若此以經

鄒縣志 舊序

二

理其地而尊崇其賢又若此余曰可以記矣遂與
二三髦士爲之補葺而臚列之期以塞守土之責
而廣前人之緒如斯而已矣仍曰鄒誌敢云作乎
然余尤有所過望于鄒者疆域如故湖山如故命
世之祠誠明之殿又復如故而道中庸行仁義者
寧至遜賢于古初俾觀風問俗之使得無藉手以
上之王府豈不休哉昔子與氏論學曰知言曰養
氣而所願則學孔子論政曰井田曰世祿而爲政
則師文王嗚呼此孟志也鄒志也亦志鄒者之志
也敢明告夫後之居鄒者是爲序

明崇禎四年知縣黃應祥重修志書序

鄒亞聖里而古今之名牒也其誌之由來固遠然嘗徧搜遺編祇見涇陽許青陽王蜀漢胡遠有纂著而其間參攷之無訛編次之有式則無如胡誌所定爲核而得體第胡誌定於神宗鼎盛之年迄今廿有餘禩星移物換人事亦隨之推遷時極勢窮天運亦因而流轉至天啟壬戌而世局竟一大翻覆矣且版籍俱爲冷灰故帙豈容株守余自丁卯夏末莅任時燧火雖滅流民未還每每之原田鞠爲茂草肅肅之鴻鴈徧野哀鳴丁口驟減征調

鄒縣志

舊序

三

繁興皇皇救過之不暇何暇握毛錐爲班馬衙官乎繇是課農講武起敝維衰哀士女之化離則多方招撫驚餘孽之梟獍則蚤計綢繆稅額頗加不能爲元元請命而徵收之美耗有禁人文未振不能使郁郁驟興而風氣之修補維新幸而雨暘時若年穀頗登物漸阜民漸安彈琴馴鹿覺有餘閒乃與乙榜恩薦趙子絃庠生潘子格崔子觀光岳子萬階徐子應壯博採風謠廣諮輿論而欣然爲塗黃汗青之舉建置有廢興則據實以紀之徭賦有加增則列欵以詳之循良之遺澤難忘則詞揚

其宦業賢達之流風不泯則續錄其鄉評以至孝
義貞烈雖一節而不遺騷歌吟咏無片長而不載
如君德如賢蹟如山川如風土未有變移無妨因
襲而武功一誌非敢臆設蓋變出非常事難中諱
且鄒以三遷故宅名甲天下而遽以陽九之厄號
虎狼之窟縱挽天潢之水難爲洗矣而考之先後
首禍之人妖師則始自豐南渠魁則來繇濮西非
盡土著各有鄉籍則余將以此一誌洗之云爾規
模粗備徐議潤色而未幾移守武岡之命下矣遂
與四子匆匆屬草因思古人作一賦尚十年始就

是役也不兩閱月而底厥成逗滯鄙俚夫復何辭
而簿書俗吏之誦則庶乎可自遣矣是爲序

奏疏一道

禮部尚書臣哈爾哈齊臣龔鼎孳左侍郎臣常鼎

臣董安國右侍郎臣顧巴西臣田種玉等爲遵

諭條奏事康熙十一年七月初一日禮科抄出少

師兼太子太師戶部尚書保和殿大學士加二級

臣衛周祚奏前事本月初六日奉

旨這應進講書籍知道了餘著該部議奏欽此欽遵

于七月十一日到部除各部事宜應聽各該部覆

議外該臣等議得保和殿大學士衛周祚疏稱各

省通誌宜修如天下山川形勢戶口丁徭地畝錢

鄒縣志奏疏

五

糧風俗人物疆域險要宜彙集成帙名曰通誌誠

一代之文獻也迄今各直省尚未編修甚屬缺典

何以襄我

皇上興隆盛治乎除河南陝西二省已經前撫臣賈

漢復纂修進呈外請

勅下直隸各省督撫聘集夙儒名賢接古續今纂輯

成書總發翰林院彙爲

大清一統誌等因前來查直隸各省通誌關係一代

文獻除河南陝西二省已經前撫臣賈漢復纂修

進呈外其餘直隸各省通誌請

勅下各省該督撫詳查山川形勢戶口丁徭地畝錢糧風俗人物疆圉險要照河南陝西二省通誌款式纂輯成書到部之日送翰林院爲

大清一統誌恭進

睿覽可也等因康熙拾壹年柒月貳拾肆日題本月貳拾柒日奉

旨依議

國朝康熙十一年知縣朱承命重修誌書敘
國家幅員萬里重譯底貢車書玉帛之盛基布鱗次
於東西朔南撫此輿圖洵足邁軼曩代所爲辨方
訓上陳詩採風之典久矣矍然大備凡諸道之錫
符頒瑞者簿領之內皆得取其形勝風物而擴擴
之上以旌分土之榮次以標宦游之槩而又其餘
者得參稽於古今廢興得失之林雖微至於一事
一物無不足以別貞淫而觀奢儉又况山川城郭
土田戶版人傑物華之大者哉

皇上御極十一載中外休息乎無爲嘉與臣民享和會
之樂爰是允閣臣請

鄒縣志

舊序

七

特命各省大小諸臣纂修大清一統志由邑而郡由
而省進之館閣以備

乙覽焉庚戌秋承乏鄒土齋戒受事乃環一邑之耳口
復取舊志而增新之惟是鄒本春秋小邾國與魯
邦擊柝相聞當時諸侯會盟必預代有賢主穆公
之世始改爲鄒而至以之名邑則在漢爲騶在唐
爲鄒也邑乘尊榮獨冠二東則以孔子子思孟子
大聖賢篤生其地昌平有鄉三遷有里泐跡一經
迄今猶欣親炙蓋秦岱居其北濁河界其南而

蒙鳧繹濟汝泗沂諸山水羣爲枕帶岳瀆靈氣旁
礴曼美醞釀乎其間發祥厚偉開萬古文學之祖
翼

聖世文教之隆繁此邑是賴猗歟都哉第遭明季土氛
殃波于境再萌再靖用頌

王師兵燹頻仍之餘舊志殘舛日甚詢諸遺老故家
罕有存者于是雜采史傳于古徧索記載于今反
覆考訂殘者補之舛者正之而新猷所布炳垂來
禩勒成治書分目凡二十有二兩閱月而告竣其
間巷之厄言稗錄徵信無裨旣不敢濫收以塵

鄒縣志

舊序

八

清暇而終缺畧難備者寧俟之淹博大儒續諸後日聊
自比于郭公夏五之疑云爾邇歲五穀時熟好慝
不生沐

覆載之弘慈食柔能之遐福俾附庸下吏幸得告無隕
越奉聖人學道之訓守斯土斯民而喫咻之惟冀
康樂和親是登厄荒災貧不載稽首報政以對揚
王休是亦命之加額于茲上者也若簿書稍暇焚膏繼

晷之勞恐不足以補寒閭渺見之咎然讀昔人括
地志寰宇通志王會圖諸書要不過逞臆闢靡而
已若東集羣乘彙爲大編藏之天府陳之甲觀則